



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka (“Službeni glasnik BiH” broj 95/12), člana 25. Pravilnika o godišnjim finansijskim izvještajima političkih stranaka (“Službeni glasnik BiH” broj 96/13), a u skladu sa članom 18. Pravilnika o administrativnim procedurama pregleda, kontrole i revizije finansijskih izvještaja političkih stranaka (“Službeni glasnik BiH”, broj: 103/08), izdajem

### IZVJEŠTAJ O REVIZIJI GODIŠNJEG FINANSIJSKOG IZVJEŠTAJA ZA 2013. GODINU NEOVISNE LISTE „ZA KUPRES“

Broj: 03-07-6-386/14  
Sarajevo, 06. juli 2015. godine

## SADRŽAJ

MIŠLJENJE REVIZORA .....	3
1. UVOD .....	4
2. PREDSTAVLJANJE POLITIČKE STRANKE .....	4
3. OPIS REVIZIJE .....	5
Predmet revizije.....	5
Cilj revizije.....	5
Obim revizije.....	5
4. PRETHODNE REVIZIJE .....	5
5. NALAZI I PREPORUKE .....	5
5.1. NALAZI.....	5
5.2. PREPORUKE.....	7

## **MIŠLJENJE REVIZORA**

Služba za reviziju finansiranja političkih stranaka (u daljem tekstu: Služba za reviziju) je izvršila reviziju finansijskog izvještaja Neovisne liste „Za Kupres“ za 2013. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka (“Službeni glasnik BiH” broj 95/12), te uspostavljanje efikasnog sistema internih kontrola.

Naša odgovornost je da izrazimo mišljenje na osnovu revizije koju smo izvršili.

Reviziju smo izvršili u skladu sa revizijskim standardima. Ovi standardi zahtijevaju da reviziju planiramo i izvršimo na način da prikupimo dovoljno dokaza koji nam, u razumnoj mjeri, pružaju garanciju da je stranka postupala u skladu sa odredbama Zakona o finansiranju političkih stranaka.

Revizija je na osnovu uzoraka ispitivala značajne transakcije koje potvrđuju iznose u finansijskom izvještaju, ocjenu računovodstvenih načela prilikom sastavljanja finansijskih izvještaja i postupanje u skladu sa odredbama Zakona o finansiranju političkih stranaka.

Smatramo da revizija koju smo izvršili pruža razumnu osnovu za izražavanje našeg mišljenja.

**Revizijom smo utvrdili da Neovisna lista „Za Kupres“ u izvještajnom periodu nije postupila u skladu sa odredbama člana 11. i člana 12. stav (1) i (3) Zakona o finansiranju političkih stranaka.**

**Prema našem mišljenju, osim navedenog, revidirani finansijski izvještaj ukazuje da je Neovisna lista „Za Kupres“ u 2013. godini postupala u skladu sa odredbama Zakona o finansiranju političkih stranaka.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je reviziju godišnjeg finansijskog izvještaja Neovisne liste „Za Kupres“ za 2013. godinu.

Revizija je preduzeta u skladu sa članom 10. stav (1) Zakona o finansiranju političkih stranaka, članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da se revizija obavlja provjerama na bazi uzorka i da postoje ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Neovisna lista „Za Kupres“ nije ostvarila nikakav prihod, što se vidi iz sljedeće tabele:

Red. br.	Vrsta prihoda	Iznos u KM	Učešće u uk. prih. %
1	Članarina	0,00	0,00%
2	Prilozi fizičkih lica ( 3-a )	0,00	0,00%
3	Prilozi pravnih lica ( 3-b )	0,00	0,00%
4	Prihodi od imovine ( 3-c )	0,00	0,00%
5	Prihodi od pr.lica ( 3-d )	0,00	0,00%
6	Prihodi od poklona ( 3-e )	0,00	0,00%
7	Prihodi iz budžeta ( 3-f )	0,00	0,00%
8	Prihodi od propag. ( 3-g )	0,00	0,00%
9	Ostali prihodi	0,00	0,00%
<b>I</b>	<b>Ukupni prihodi</b>	<b>0,00</b>	<b>0,00%</b>
<b>II</b>	<b>Kreditno zaduženje kod banaka</b>	0,00	0,00%
	<b>Izvori finansiranja (I+II)</b>	<b>0,00</b>	<b>0,00%</b>

U godišnjem finansijskom izvještaju, stranka je iskazala rashod u iznosu od 24,71 KM.

## 2. PREDSTAVLJANJE POLITIČKE STRANKE

Naziv političke stranke je Neovisna lista „Za Kupres“. Skraćeni naziv je NLK.

Neovisna lista „Za Kupres“ je Rješenjem Općinskog suda u Livnu, broj: 068-0-F1-12-000002 od 15.05.2012. godine upisana u sudski registar političkih stranaka.

Sjedište političke stranke je u Kupresu, ulica Magistralni put bb.

Lice ovlaštene za zastupanje Neovisne liste „Za Kupres“ je Stipo Ćurković, predsjednik političke stranke.

Stranka nije navela ovlašteno za finansijske izvještaje za 2013. godinu.

Prema podacima iz finansijskog izvještaja Neovisna lista „Za Kupres“ nema niže nivoe organizovanja.

### 3. OPIS REVIZIJE

**Predmet revizije** je godišnji finansijski izvještaj Neovisne liste „Za Kupres“ za 2013. godinu.

**Cilj revizije** je da se na osnovu provedenih revizijskih procedura pribave revizijski dokazi, koji će revizoru omogućiti da izrazi mišljenje o tome da li je Neovisna lista „Za Kupres“ u izvještajnom periodu postupala u skladu sa odredbama Zakona o finansiranju političkih stranaka.

**Obim revizije** finansijskih izvještaja Neovisne lista „Za Kupres“ obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

### 4. PRETHODNE KONTROLE I REVIZIJE

Služba za reviziju je izvršila pregled i kontrolu godišnjeg finansijskog izvještaja Neovisne liste „Za Kupres“ za 2012. godinu.

Izdat je izvještaj o pregledu sa mišljenjem revizora, nalazima revizije i preporukama stranci da: uspostavi potpune i tačne evidencije o prihodima i rashodima stranke, finansijske izvještaje podnosi u formi koju je odobrila Centralna izborna komisija BiH, odnosno da prihode i rashode iskazuje na način propisan Pravilnikom o godišnjim finansijskim izvještajima političkih stranaka i da dostavlja i drugu dokumentaciju koju od stranke zatraži Centralna izborna komisija BiH.

#### **Nerealizovane preporuke:**

Neovisna lista „Za Kupres“ nije ispoštovala preporuke revizije.

### 5. NALAZI I PREPORUKE

#### 5.1. NALAZI

**Neovisna lista „Za Kupres“ je prekršila odredbe člana 11. i člana 12. stav (1) i (3) Zakona o finansiranju političkih stranaka.**

(1) Revizijom finansijske dokumentacije Neovisne liste „Za Kupres“, utvrđeno je da stranka nije vodila poslovne knjige, čime je prekršila odredbe člana 11. i člana 12. stav (1) Zakona o finansiranju političkih stranaka.

Prilikom obavljanja revizije, predsjednik Neovisne liste „Za Kupres“ je dao pisanu izjavu u kojoj navodi da stranka ne vodi poslovne knjige i nije podnosila završni račun za 2013. godinu Agenciji za finansijske, informatičke i posredničke usluge (AFIP).

U skladu sa odredbom člana 11. Zakona o finansiranju političkih stranaka politička stranka je dužna voditi poslovne knjige i podnositi finansijske izvještaje na način koji je utvrđen zakonom i drugim propisima u skladu sa zakonom.<sup>1</sup>

---

<sup>1</sup> Ova odredba Zakona o finansiranju političkih stranaka podrazumijeva obavezu vođenja poslovnih knjiga u skladu sa računovodstvenim propisima.

U skladu sa računovodstvenim propisima, stranka je obavezna svake godine podnijeti godišnji obračun Agenciji za finansijske, informatičke i posredničke usluge (AFIP). Kopiju godišnjeg obračuna, ovjerenog od strane AFIP-a stranka je, u skladu sa članom 12. stav (3) Zakona o finansiranju političkih stranaka i članom 4. stav (2) Pravilnika o godišnjim finansijskim izvještajima političkih stranaka, dužna podnijeti Centralnoj izbornoj komisiji BiH, skupa sa godišnjim finansijskim izvještajem.

(2) Finansijski izvještaj stranka nije podnijela u formi koju je propisala Centralna izborna komisija BiH, čime je prekršila odredbu člana 12. stav (3) Zakona o finansiranju političkih stranaka<sup>2</sup>.

- Na osnovu raspoložive finansijske dokumentacije, izvoda sa transakcijskog računa stranke, utvrđeno je da Neovisna lista „Za Kupres“ ostvarila promet u iznosu od 1.990,20 KM. Priliv sredstva na transakcijski račun od 0,19 KM, ostvaren je po osnovu kamate. Sredstva koja je stranka imala na računu 01.01.2013. godine, u iznosu od 1.990,01 KM podignuta su sa računa 31.01.2013. godine u iznosu od 1.950,00 KM, dok je 40,20 KM banka skinula kao proviziju za vođenje računa.

U finansijskom izvještaju stranka je iskazala isplatu sa transakcijskog računa u iznosu od 1.974,71 KM, ali sredstva koja su podignuta u gotovini, u iznosu od 1.950,00 KM nisu evidentirana kroz blagajnu stranke, čime su prekršene odredbe člana 12. Pravilnika o godišnjim finansijskim izvještajima političkih stranaka.

- U finansijskom izvještaju, na obrascu 5 – Obaveze političke stranke, iskazane su obaveze prema predsjedniku stranke, na dan 31.12.2013. godine, u iznosu od 460,00 KM, kao dio pozajmice koju je predsjednik dao stranci 24.05.2012. godine, u iznosu od 2.410,00 KM. U finansijskom izvještaju za 2012. godinu, koji je stranka podnijela Centralnoj izbornoj komisiji BiH, nije iskazana navedena pozajmica stranci, niti bilo kakva finansijska obaveza na dan 31.12.2012. godine.

Gotovinska isplata sredstava sa računa stranke, u iznosu od 1.950,00 KM na ime povrata pozajmice, koja nije evidentirana u finansijskom izvještaju za 2012. godinu, te nema drugog dokaza o takvoj obavezi stranke, ima karakter ličnog primanja. Obzirom da pomenuta sredstva imaju karakter ličnih primanja, politička stranka je, u skladu sa poreznim propisima<sup>3</sup>, bila obavezna na njih obračunati porez i doprinose, te po tom osnovu iskazati trošak u poslovnim knjigama i finansijskom izvještaju koji je podnijela Centralnoj izbornoj komisiji BiH.

Osim prethodno navedenog, revizijom nije utvrđeno da je Neovisna lista „Za Kupres“ ostvarila druge prihode i rashode.

Predsjednik političke stranke je dao pisanu izjavu, u kojoj izjavljuje da politička stranka u 2013. godini nije ostvarila prihode i rashode koje nije prijavila Centralnoj izbornoj komisiji BiH, odnosno revizorima Službe za reviziju finansiranja političkih stranaka. Također, izjavljuje da stranka ne obavlja aktivnosti, ne koristi i ne posjeduje poslovni prostor.

---

<sup>2</sup> U skladu sa odredbama člana 12. stav (3) Zakona o finansiranju političkih stranaka, stranka je obavezna podnositi finansijski izvještaj u formi koju odobri Centralna izborna komisija Bosne i Hercegovine. Sadržaj, forma, način i drugi detalji izvještavanja uređeni su Pravilnikom o godišnjim finansijskim izvještajima političkih stranaka („Službeni glasnik BiH“ broj 96/13).

<sup>3</sup> Zakon o porezu na dohodak ("Službene novine Federacije BiH", br. 10/08, 9/10, 44/11, 07/13 i 65/13) i Pravilnik o primjeni Zakona o porezu na dohodak ("Službene novine Federacije BiH", broj: 67/08, 4/10, 86/10, 10/11, 53/11, 20/12, 27/13, 71/13 i 90/13)

## 5.2. PREPORUKE

*Preporučuje se Neovisnoj listi „Za Kupres” da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *da vodi poslovne knjige,*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i*
- *da poštuje i računovodstvene propise, te u skladu s njima podnosi godišnji obračun, i ovjerenu kopiju istog dostavlja Centralnoj izbornoj komisiji Bosne i Hercegovine.*

### KOMENTAR:

Neovisna lista „Za Kupres” se, u datom roku, nije očitovala na nalaze revizije navedene u Preliminarnom izvještaju o reviziji godišnjeg finansijskog izvještaja za 2013. godinu.

Zahvaljujemo se osobi ovlaštenoj za predstavljanje i zastupanje Neovisne liste „Za Kupres“, na korektnom odnosu tokom obavljanja revizije finansijskog izvještaja i relevantnim izjavama o poslovanju stranke.

Revizor

Nevenko Andan

Šef Službe za reviziju, revizor

Mr.sc. Hasida Gušić